

Na osnovu člana 2. tač. 14., 27. i 29., čl. 22., 23. i člana 86. stav (1) Zakona o budžetima u FBiH ("Službene novine Federacije BiH", br. 102/13, 9/14, 13/14, 8/15, 91/15 i 102/15) a u vezi člana 3. stav (3), člana 6. stav (2) al. 2. i člana 19. stav (1) Zakona o ustanovama ("Službeni list RBiH", br. 6/92, 8/93 i 13/94) i člana 48. stav (2) Zakona o sportu ("Službene novine Kantona Sarajevo", broj 45/12 - Prečišćeni tekst i 36/21), ministar kulture i sporta Kantona Sarajevo donosi

**PRAVILNIK
O POSTUPKU DODJELE KAPITALNIH TRANSFERA
GRADU I OPĆINAMA IZ BUDŽETA MINISTARSTVA
KULTURE I SPORTA KANTONA SARAJEVO**

Član 1.

(Sadržaj Pravilnika)

- (1) Ovim Pravilnikom uređuje se postupak dodjele sredstava Gradu Sarajevu (u daljem tekstu: Grad) i općinama sa područja Kantona Sarajevo (u daljem tekstu: općina), a koja su isključivo namijenjena za kapitalna ulaganja u razvojne projekte iz oblasti kulture i sporta.
- (2) Pravilnik se odnosi na dodjelu sredstava za sufinsaniranje kapitalnih projekata Grada i općina koji se ostvaruju na osnovu neposrednog javnog poziva za dodjelu sredstava za sufinsaniranje kapitalnih projekata za koje su sredstva osigurana u Budžetu Ministarstva kulture i sporta Kantona Sarajevo (u daljem tekstu: Ministarstvo).

Član 2.

(Sufinsaniranje kapitalnih projekata)

U smislu ovog Pravilnika sufinsaniranje kapitalnih projekata kulture i sporta obuhvata sredstva kojim raspolaže Ministarstvo kulture i sporta kao korisnik budžetskih sredstava, u okviru planiranih kapitalnih transfera Gradu i općinama u Budžetu Kantona Sarajevo.

Član 3.

(Ujednačen razvoj kulture i sporta)

Sredstva za sufinsaniranje kapitalnih projekata kulture i sporta dodjeljuju se jedinicama lokalne samouprave za izgradnju objekata, obnovu, rekonstrukciju i sanaciju objekata kulture i sporta od interesa za Kanton Sarajevo, a u cilju stvaranja uslova za ujednačen razvoj djelatnosti kulture i sporta na području Kantona Sarajevo.

Član 4.

(Izgradnja, obnova, rekonstrukcija i sanacija objekata)

Sredstva iz člana 3. ovog pravilnika odobravaju se odnosno doznačuju jedinicama lokalne samouprave isključivo za realizaciju određenih i konkretnih projekata koji će doprinijeti većoj kvaliteti življenja stanovnika na području pojedine jedinice lokalne samouprave, a naročito:

- a) sufinsaniranje izgradnje objekata, obnovu, rekonstrukciju i sanaciju objekata kulture (domova kulture, muzeja, pozorišta, arhiva, koncertnih dvorana i dr.)
- b) sufinsaniranje izgradnje objekata sporta, obnovu, rekonstrukciju i sanaciju objekata sporta (sportskih dvorana, stadiona, atletskih staza, biciklističkih staza, bazena, hipodroma i dr.).

S L U Ž B E N E N O V I N E
KANTONA SARAJEVO

Četvrtak, 24. 2. 2022.

Broj 8 - Strana 33

Član 5.

(Sadržaj zahtjeva i projekta)

- (1) Sredstva iz člana 3. ovog pravilnika za potrebe navedene u članu 4. ovog pravilnika, raspoređuju se na temelju pisanog zahtjeva općinskog načelnika odnosno gradonačelnika jedinice lokalne samouprave koji se podnosi Ministarstvu zaključno do 31. marta tekuće godine, za aktivnosti u tekućoj godini, a zahtjev se obrađuje u Ministarstvu u skladu sa Programom utroška sredstava namijenjenih za sufinsaniranje projekata.
- (2) Zahtjev iz stava (1) ovog člana mora sadržavati:
 1. naziv i opis projekta odnosno planirane investicije za koji se traže sredstva Kantona,
 2. iznos sredstava potreban za realizaciju cijelog projekta tj. visina planirane investicije,
 3. visina iznosa sredstava koja se traže za realizaciju projekta ili dijela projekta u tekućoj godini,
 4. predračun cijelog projekta sa preciziranim iznosima svakog od sufinsanijera,
 5. financijski udio jedinice lokalne samouprave vezane za realizaciju konkretnog projekta,
 6. stepen završenosti projekta (da li postoji lokacijska dozvola ili potvrda glavnog projekta, da li je u fazi izgradnje, očekivani početak i završetak projekta i sl.),
 7. da li je proveden javni tender i izabran izvođač radova,
- (3) Uz Zahtjev iz stava (2) ovog člana podnositelj obavezno mora da dostavi:
 1. glavni izvedbeni Projekat sa kompletnom dokumentacijom (primjerak u elektronskoj verziji),
 2. zk izvadak ne stariji od tri mjeseca sa historijatom vlasništva i bez izostavljanje tereta (iz kojeg se da utvrditi da su riješeni imovinsko-pravni odnosi),
 3. kopiju katastarskog plana,
 4. posjedovni list,
 5. lokacijsku dozvolu (kada priroda radova to zahtjeva),
 6. Predmjer radova sa kompletnim proračunom radova,
 7. Rješenje - urbanistička saglasnost (sa klauzulom pravosnažnosti),
 8. Rješenje - odobrenje za građenje (sa klauzulom pravosnažnosti),
 9. Izvod iz Budžeta jedinice lokalne samouprave iz kojeg se može utvrditi da su obezbijedena sredstva za sufinsaniranje dijela projekta,
 10. Izvod iz strategije razvoja Grada ili općine iz kojeg se može utvrditi da je projekat obuhvaćen strategijom,
 11. PJI obrazac iz kojeg se može utvrditi da je predmetni projekt upisan u PJI kod Zavoda za izgradnju Kantona Sarajevo,
 12. Odluku Općinskog ili Gradskog vijeća o načinu ostvarivanja javnog interesa Općine ili Grada u oblasti kulture ili sporta.
- (4) Uz Zahtjev, projekt i priloge iz st. (1), (2) i (3) potrebno je elaborirati šta će realizacija projekta u razvojnem smislu značiti za jedinicu lokalne samouprave:
 - koliko novih radnih mjesti,
 - koliko novih sportskih klubova, sportista, udruženja kulture i sl.,
 - broj stanovnika u općini ili gradu prema zadnjem popisu stanovništva,

- ostalu dokumentaciju koju jedinice lokalne samouprave smatraju važnom za odobravanje sredstava za sufinsaniranje projekta.

Član 6.

(Kriteriji za izbor projekata za sufinsaniranje)

- (1) Mogu se sufinsanirati samo oni projekti koji imaju svu dokumentaciju iz člana 5. ovog pravilnika.
- (2) Prednost imaju projekti koji se nastavljaju, zavisno od stepena njihove realizacije.
- (3) U cilju ujednačavanja razvoja izvangradskih općina prednost imaju projekti onih općina koje do sada nisu dobile sredstva Kantona za kapitalne projekte kulture i sporta ili su ih dobile u manjem iznosu.

Član 7.

(Program utroška kapitalnih sredstava)

Sredstva za sufinsaniranje projekata se odobravaju podnosiocima zahtjeva iz člana 2. Pravilnika u skladu sa Programom utroška kapitalnih transfera Ministarstva kulture i sporta Kantona koji usvaja Vlada Kantona Sarajevo uz prethodno pribavljeni mišljenje Ministarstva finansija Kantona Sarajevo.

Član 8.

(Odgovornost za namjensko korištenje sredstava)

- (1) Općinski načelnik odnosno gradonačelnik jedinice lokalne samouprave odgovoran je za namjensko korištenje sredstava iz člana 3. ovog pravilnika, u skladu s važećim propisima.
- (2) U slučaju ne postupanja u skladu sa stavom (1) ovog člana korisnik je dužan dodijeljena sredstva vratiti u budžet Kantona Sarajevo.

Član 9.

(Stupanje na snagu)

Ovaj Pravilnik stupa na snagu osmog dana nakon njegove objave u "Službenim novinama Kantona Sarajevo".

Broj 12-02-4853/22
18. februara 2022. godine
Sarajevo

Ministar
Samir Avdić, s. r.